

Lt
6
510

Lt 6. 510.
Klette, A. *Excitationes*
Terontianae.

Bonn 1855.-




THE UNIVERSITY OF CHICAGO

1921

ASTORIA, OREGON

1921

Bd. Mar, 1884.



BOUGHT WITH
THE INCOME FROM
THE BEQUEST OF
CHARLES MINOT,
OF SOMERVILLE,
(Class of 1828,)

21 August, 1883.

EXERCITATIONES TERENTIANAE.

SCRIPTISIT

ANTONIUS KLETTE

PHILOS. DR.

✓ **BONNAE**

T. HABICHT VENVM DAT.

A. MDCCCCLV.

Lt6. 510

AUG 21 188

Michet. 4nd.

FERDINANDO · KLETTE

FRATRI · DILECTISSIMO

· ET ·

DE · SE · BENE · MERENTISSIMO

HAS · PAGELLAS

GRATI · ANIMI

TESTES · ESSE · VULT

SCRIPTOR.

THE UNIVERSITY OF CHICAGO

DEPARTMENT OF CHEMISTRY

1911

THE UNIVERSITY OF CHICAGO

DEPARTMENT OF CHEMISTRY

1911

DEPARTMENT OF CHEMISTRY

1911

Ricardum Bentleium quamvis de Terentio immortaliter meritum, tamen multa praeter necessitatem temptasse, multa aliis emendanda reliquisse unusquisque qui acre studium in fabulas Terentianas impendit, non poterit non sibi persuadere. Atque eorum mendorum quae non sanata sunt magnam partem haud dubie deprehendisset vir divini ingenii, si libros M. SS. antiquissimos accuratius et cognoscere et aestimare potuisset. Quae autem sit conditio librorum Terentianorum et qua via ad poetae fabularum emendationem accedendum sit, clare ostendit *Fridericus Ritschellius* in illa commentatione quam „de emendatione fabularum Terentianarum“ ante hos XVII annos Vratislaviae emisit. Qua Ritschelii opera et Calliopii recensio qualis fuerit patefactum est et ex permultis libris qui per Europam hodie extant perpauca esse apparuit, in quibus iusta fabularum Terentianarum emendatio nitatur necesse sit. Atque ipsius verba haec sunt p. 10: „duo sunt sane „codicum genera aut ante *Calliopii* recensionem scriptorum aut ex ea ipsa ductorum. Illius generis longe omnium antiquissimus *Bembinus* est, cui satis confidenter „*Victorianum*, dubitanter iungimus *Decurtatum*: huc pertinent circa IX saeculum scripti *Basilicanus*, *Vaticanus*,

„*Ambrosianus*, Calliopii operam ipsa subscriptione testati.“
Ex ea autem quam publici iuris fecit accuratae collationis
parte intellegitur, eum cui in emendando Terentio non
nisi Faernianis testimoniis uti liceat, firmo carere funda-
mento. Quale ut mihi praesto esset effectum est eiusdem
Ritschelii beneficio: qui Bembini Basilicanique collationem
mihi in usum meum concessit, quae est summi viri inconpa-
rabilis liberalitas.

Terentianum sermonem quantumvis cognatum Plautino, tamen ab eo in haud paucis distare non est mirum. Velut a grammaticis rationibus ea conferas quae, ut hoc utar, de *med* et *ted* formis Plauto non inusitatis, alienis a Terentio Ritschelius disputavit in prolegg. Trin. p. 143: vel a numeris quae de tetrametrorum iambicorum utriusque poetae discrimine post Hermannum Kraussius persecutus est novi Musei Rhenani tomo VIII p. 531 sqq. De prosodiacarum autem quaestionum una particula — quas si totas me exhaurire posse animum induxissem, temeritatis iure accusarer — sat plene mihi videor disputare posse: spectante illa ad *tertiaae personae perfecti activi prosodiam*. Quam verbi formam cum Ritschelius in prolegg. Trin. negasset unquam in Plautinis fabulis ultima syllaba producta extare, Fleckeisenus contra in Iahnii nov. annal. tom. LXI p. 20 sqq. pristinam illius vocalis productionem semper servasse demonstravit: exceptis nimirum eis bisyllabis perfectis quorum prior syllaba brevis est. Nec defuit viro praestantissimo probans Ritschelii iudicium in praef. Pseud. p. 14. Eiusdem igitur formae eandem prosodiam in Terentianis fabulis esse, satis confiderenter mihi videor affirmare posse, omnibus — nisi quod me fugit — pervestigatis exemplis.

Atque extant in Terentio quae illam prosodiam aperte testentur: quorum exemplorum primum est Hec. III, 5, 13:

Quicquid est id quod reliquit profuit . immo obfuit.

Qui versus meo quidem iudicio est sanissimus, (quod autem in Bembino a prima manu haec extant: *immo obfuit, profuit* haud dubie librarii errori tribuendum est): nec propter sententiae finem syllabae ancipiti potius locum fuisse, quam *it* productum esse crediderim. Frustra igitur Bentleius scribi suasit:

profuit . immo vero obfuit,

quod ipsum vitiosum vel propterea quod trochaicorum septenariorum nullus nisi primus pes dactylico vocabulo contineri potest de qua re cf. Lachm. ad Lucr. p. 116, Fleckeis. l. l. p. 61. Nec a metro venustum mihi videtur quod Guyetus „ex metri ratione“ scribendum esse putavit:

profuit . immo id obfuit.

Praeterea *stetit* productum est Phorm. prol. v. 9:

Quodsi intellexeret cum *stetit* olim nova

Actóris opera mágis *stetisse* quam sua.

Hunc quoque versum Bentleius duce Guyeto ita mutavit ut scriberet:

ólim cum *stetit* nova,

de qua ratione „de metro sollicitos id ipsum depravasse“ iudicanti Bothio ¹⁾ assentior. Non aliter enim atque in

1) Cuius tamen, ut hoc in transcurso dicam, quod in Manheimiana editione protulit commentum *novus pro nova* non probó.

Plauto (de quo dixit Ritschellius prolegg. p. 210), in Terentio non crebri sunt ei iambicorum senariorum exitus qui duobus iambicis vocabulis continentur: prorsus autem non infrequentes ei senarii sunt quorum alteram partem efficiunt duo iambica vocabula inserto spondiaco.

His autem exemplis talia accedunt in quibus etsi non necesse sit, praestet tamen *it* terminationem productam haberi. Quo referendos duco tales versus qualis est Phorm. V, 2, 11:

Ita faciā ut frater cēnsuit: ut uxórem eius huc
addúcam.

In quo cum de caesura post *ut* vocabulum statuenda ne cogitari quidem possit — cum ea enim caesura quae est post quartam arsin iambum in quarto pede coniunctum esse necesse est — *censuit* vocabulum reapse creticum haberi ratio suadet: quoniam syllabam ancipitem admissam esse non profecto elegantiae est sed legitimae licentiae²⁾.

Nonne igitur nostro iure in talibus versibus quales sunt Hec. I, 2, 115. IV, 4, 31. Phorm. prol. 6. I, 1, 2. V, 8, 50:

Rescivit heri ea causa rure huc advenit,
Evenit habeo gratiam dis. Nullus sum,
Quia nusquam insanum fecit adulescentulum,
Heri ad me venit: erat ei de ratiuncula,
Suscepit et eam clam educat. Sepultus sum,
vit heri e-, nit habe-, cit adu-, nit erat-, pit et e- non
tribrachos sed dactylos aequare putabimus?

2) Reliqua quod attinet ex hoc certe loco argumentum correpti
uxoris vocabuli peti noluerim sed ut deleverim cum Faerno.

Restat autem ut de talibus dicatur quae repugnare videantur nostrae rationi. Velut Eun. I, 2, 55.

Hic meus amicus: émit eam donó mihi mit eam non anapaestum aequat sed spondeum quoniam eam haud dubie monosyllabum est. Item Ad. III, 4, 5.

De psáltria hoc áudivit: id illi nunc dolet vit id ill anapaestum non aequat, (quod ne fiat vel caesura vetat) nec tribrachus est, sed dactylus producto *vi*, correpto *illi*. Nec quisquam sibi persuadebit huius versus Phorm. V, 5, 12.

Set óstium concrepuit abs te. Vide qui egrediatúr. Getast cacsuram esse post quartum pedem potius quam in medio quinto. Eiusdem autem fabulae versus IV, 4, 25:

Introlit in aedis áter alienús canis tantum abest ut rationem nostram infringat ut confirmet. Etenim *introire* non compositum est vocabulum, sed scribendum *intro ire* (cf. Benth. ad Andr. V, 2, 9. Ritsch. prolegg. p. 160): quod vel eo confirmatur quod extant *í intro*, *í prac*. Apparet igitur *ínt* correptum esse utpote vocabulum iambicum: quamquam secus visum est Lachmanno ad Lucr. p. 209.

Persuasissimum autem habeo multo plura in fabulis Terentianis olim fuisse exempla pristinae huius prosodiae: quam saepe obscuratam esse librariorum sive negligentia sive mala sedulitate non abhorret a verisimilitudine. Ac nescio an etiam nunc nonnulla id genus e tenebris erui possint: in quam rem etsi ne cupidius intenti simus maxime nobis cavendum est, tamen nonnulla mihi praesto sunt quae videantur sat probabilia esse. Quorum exemplum nunc tractare in animo est. Etenim Eun. IV, 4, 32 sqq. haec habes:

Non . unde fratrem meum esse scibas . Parmeno .

Dicebat eum esse . is dedit mihi hanc . Occidi .

Meam ipse induit . post una ambo abierunt foras .

Scripsi horum versuum cum qui medius est quomodo legitur in Bembino: in Basilicano autem multisque aliis libris extat sic:

Dicebat eum esse . is dedit mihi hanc vestem . Occidi .

Bentleius qui non curans Bembini scripturam scripsit:

Dicebat eum esse . is mi hanc dedit vestem . Occidi quantumvis videri possit iure suo ita transposuisse verba ut *hanc* vox lectu intendatur , tamen necessitatem eius rei non perspicio . Etenim non id potissimum agitur *hanc* fuisse vestem quam Dorus acceperit , sed *Chaeream* esse eum a quo acceperit : is pronomen autem satis effertur utpote in initio novi enuntiati positum . Quare nisi aliud suaderet Bembini auctoritas , haud aegre acquieverim in his :

Dicebat eum esse . is dedit mihi hanc vestem . occidi .

Quaerendum autem est quo spectet Bembini scriptura : in quo libro *vestem* vox prorsus omissa est . Quod ipsum cum a numeris importunissimum sit (quicquid obloquantur qui omne hiatus genus tanquam adorare solent) , a sententia tamen meo iudicio non potest improbari . Ac ne Bentleius quidem *vestem* vocabulum necessarium esse putavit sed „melius esse preferri quam subintelligi“ quod „quinque versus intervenissent , postquam de veste interrogatum esset“ . Mihi autem , ut dicam quod sentio , omissa *vestem* vocabulo , et planissima et plenissima videntur Dori verba : attamen facillime perspicitur , quomodo explicationis causa ista vox addi potuerit . Atque eodem modo iam Guyetus Bothiusque Bembini vestigijs usi sunt emendandi fundamento : quanquam ipsorum com-

menta patefiet, ut spero, non probanda esse. Guyetus enim scripsit:

Dicébat esse . is mihi dedit hanc. Hanc? occidi.
In quo vel illud vituperandum quod dactylum excipere anapaestum passus est: quod prorsus respuit Plautinorum Terentianorumque versuum elegantia. Praeterea, etsi rationem qua Guyetus alterum *hanc* errore omissum esse putavit non ineptam dixerim, tamen praeter expectationem *hanc* vox iteratur, qualem iterationem, si omnino, *is* notatione potius factam esse consentaneum fuisset. Bothius autem, probato Bentleiano *is mi hanc*, relicua sibi visus est reconcinasse in hunc modum:

Dicébat eum esse . is mi hanc dedit . Occidi . Meam

Ipse induit e. q. s.

In quo valde mihi displicet a *meam* voce in fine senarii posita novam ordiri sententiam. Quae cum ita sint, ut ad nostram rationem exponendam deveniamus, duabus voculis transpositis cum Guyeto acquiescendum mihi videtur ita in Bemбини scriptura ut legatur:

Dicébat eum esse . is mihi dedit hanc . O'ccidi .

Non profecto me fugit cogitari potuisse de hac quoque transpositionis via:

is hanc dedit mihi . O'ccidi

At neque collocatio verborum commendabilis est nec gratus exitus senarii tribus constans continuis iambis: qualem emendatione poetae obtrudere vix ausim.

Denique paucis attingam Andr. IV, 1, 58, ubi *concrepuit* videtur productum esse. Extat autem in libris monstrum versus hoc:

Faciam . At iam hoc opus est . Hem, set mane . concrepuit a Glycerio ostium.

Bentleius *hem* et *mane* delevit, *hinc* addidit inter *concre-*
*pu*it et *a*: atque hoc posterius fortasse recte fecit, cum
valde ingrati essent hi accentus: *cóncrepu*it-, de reliquis
dubito. At quoniam iste versus graviore labe afflicto mihi
videtur nec tamen quid poeta scripserit nunc liquet, ta-
cere quam hariolari malo.

Quos deinceps locos corruptos tractabo et pro virili
parte emendare conabor, eos non secundum corruptelarum
genera sed secundum fabularum scenarumque ordinem dis-
posui propterea quod illa, ubi vitium deprehenditur, ple-
rumque ita coniuncta inter se esse solent ut discerni et
seorsum tractari vix possint. Continentur autem ea de
quibus dicturus sum maxima ex parte glossematis quae
mihi videor deprehendisse: qua in re me nimis fuisse di-
car non vereor. Verissimum enim est quod dixit Ritsche-
lius de emend. fab. Terent. p. 11 „in Terentii fabulis nul-
lum esse hoc depravationis genere frequentius.“ Nec
multi, ut opinor, applaudent ei³⁾ cuius haec est opinio sa-
tis mira: „dagegen findet man“ (nimirum in Bembino)
„selten ein Wort zu viel oder einen Ausdruck, der aus
„der Interpretation vom Rande in den Text gedrun-
gen ist.“

3) Gepperto in Jahn. nov. annal. suppl. tom. XVIII p. 52.

Andr. IV, 1, 5 Charini irati haec habes verba :

Idne est verum? immo id est g nus hominum p s-
sumum in

D negand  modo quis pudor paulum adest.

In quibus non possum non aegre ferre in praepositionem pertinentem ad *denegando* vocabulum in fine versus positam esse quod prorsus abhorret a Terentii consuetudine⁴⁾. Quominus autem quis *de* syllaba deleta hoc vitium tolli posse ita existimet ut legatur :

in negand  modo e. q. s.

aliud obstat. Etenim in *denegando* verbis non ea inest sententia quam loci ratio flagitat. Nihil enim in *denegando pudor adest* potest significare nisi hoc : *denegantes pudet*, vel *pudet illos dum denegant*. Hoc autem dicere noluisse poetam apparet, cuius haec potius fuit sententia : *denegare non audent quantumvis cupiant*. Atque videtur tale quid sensisse Guyetus quanquam de vitio non cogitavit : is enim verba de quibus agimus interpretatus est in hunc modum : „certissimum est, huiusmodi „pessimos homines existere, quibus quidem si quando ut „quid officii praestent rogantur, in *promittendo* pudor est „tantummodo : tum enim plane denegare non audent, sed „leviter et inconsulte promittunt.“ Quae cum ita sint nescio an leni mutatione sanari possint haec verba : nimirum profecta esse a poeta conicio haec :

4) Quae enim id genus non removit Bentleius reapse removenda sunt omnia. cf. Ritsch. prolegg. Trin. p. 296. Quanquam non omnium par est ratio : aliorum enim emendatio facilissima est, aliorum satis impedita.

Idne est verum . immo id est genus hominum pessimum
Dēnegandi modo quis pudor paulum adest.

In his enim ne quis haereat non vereor. Facillime autem
intelligitur, quomodo *denegandi* in *denegando* mutari po-
tuerit, siquidem in illud post pessimum errore ortum esse
animo nostro informamus.

Andr. IV, 1, 9 haec leguntur:

E't timent: et tamen res premit dēnegare.

Qualis hypermetrus qui dicitur creticus tetrameter nescio
an omnino ⁵⁾ vitiosus sit: hunc certe non ferendum esse
persuasum habeo propterea quod *denegare* vocabulo ter-
minatur sententia. Quo diutius autem de hoc loco cogi-
tavi, eo magis in eam inclinavi opinionem ut his verbis
nihil nisi eorum quae praecedunt explicationem contineri
putarem. Nimirum nihil novi in his verbis inest. Valde
autem displicent mihi illa *res premit denegare* quae ab-
horrent a vulgari sermone: deinde suspicionem auget *de-
negare* vocabulum, repetitum illud languide ex versu 6:
denique *et timent* verba sequentibus repugnant, cum ne-
que „impudentissimae orationi“ v. 10 nec „nil pudentibus“
v. 13 satis convenire videantur. Praeterea maxime con-
iecturam nostram confirmat quod in libris esse aliis *res
premit eos denegare*, in aliis *res cogit eos denegare*, in
aliis *res cogit ea eos denegare* Faernus et Westerhovius
testantur. Vide autem quam concinna evadant Charini
verba deleta isto versiculo:

5) Alium certe praeter hunc nec Hermannus el. d. m. p. 207,
nec Lachmannus ad Lucr. p. 81, nec alius quis quantum
scio attulit, nec ego indagavi.

Póst ubi témpust⁶⁾ promissa iam pérfici
Túm coacti necessário se áperiunt.
I'bi tum eorum impudentíssima orátioſt c. q. s.

Eun. I, 2, 112.sqq. ubi Phaedria Thaidem meretricem cui
ut Thrasonem militem per biduum admitteret permisit, ad-
hortatur ut sui quamvis absentis semper recordetur, haec
ea de re habes iuvenis verba:

Cum milite isto praesens absens út sies
Diés noctesque mé ames me desideres,
Me sómnies: me expéctes: de me cógites,
Me spéres, me te oblécetes mecum tóta sis,

Meus fác sis postremo ánimus quando ego súm tuus

Versum 114 nemini suspectum visum esse satis miror: quem
ego quidem persuasum habeo a poeta non esse profectum
utpote et a sententia et a numeris Terentiana arte indi-
gnum. Primum enim hoc loco non potest non prorsus idem
significare *me expectes* atque quod sequitur *me speres*:
quae si quis ita inter se differre dixerit ut gravior vis in-
sit in expectandi notione, tamen tertium illud *de me co-*
gites inter haec duo positum valde languere et sententiae
gravitatem prorsus delere non poterit negare. Minor for-
tasse esset offensio si scriptum esset *me cogites*: at *de me*
cogites, quoniam meditandi notionem hinc esse alienissi-
mam apparet, aliter explicari nequeunt nisi sic: *ne sis*
mei immemor. Praeterea ne illa quidem *me somnies* mihi
placent. Etenim omnia quae ut faciat Thais optat Phae-
dria et ad noctes et ad dies referenda esse ita mihi vi-
dentur ut omnino de somno Thaidis non cogitandum sit.

6) *tempus* ÷ in Basilicano est.

Talem enim loci sententiam adducimur ut animo nostro informemus: etiamsi sive noctu sive interdiu cum milite „rem habeas“ tamen mecum te esse credas. Atque prorsus concinna et vivida sunt Phaedriae verba si illum versum omittimus: me desideres aegre feras me abesse, me speres optes ut revertar, me te oblectes animo tuo informes me reapse adesse, mecum tota sis omnino mecum tibi rem esse credas.

Sed a metrica quoque ratione vitiosus est is versus. Etenim in eis quae praecedunt et secuntur *me* vox ubique intenditur: *mé* ames, *mé* desideres, *mé* te oblectes, *mécum* tota sis: quod quoniam tota sententiae vis in eo pronomine sita est, prorsus necessarium est constanter fieri: neglecta autem est haec lex in *me expectes* ⁷⁾. Quare hoc quoque argumento iure nostro uti videmur ut versiculum istum inducamus.

Restat ut unde originem traxisse videatur versiculus insiticius exponam. Quod enim saepe fieri vidimus in Terentii nec non in Plauti fabulis ut quae interpretationis caussa adscripta sunt postea in versus speciem nonnunquam non prorsus improbabilem redigerentur, in hunc quoque locum cadit. Adscriptum autem est *me somnies* illi *nocles me ames, me expectes* illi *me speres*: tertium

7) Illis enim *de me cogites* ab enclisi excusatio parata est.

Aliiter iudicandum est de *me somnies* et *me speres*, in quibus *me* pronomen etsi ictu non intenditur, tamen quoniam in initio versus positum est non delitescit: quam rem tractavit Ritschellius prolegg. Trin. p. 255. Ex quo fit ut neque *me somnies* ab hac parte sit suspectum, neque *me speres* quicquam valeat ad hanc ratiocinationem evertendam.

de me cogites dubitari potest utrum explicandi caussa adscriptum an versus explendi caussa confectum sit.

Heaut. III, 1, 20 extant Menedemi haec verba:

Num quidnam de gnato meo audisti Chreme?

vitiosissimo accentu in *gnato* vocabulo: quoniam tertium senarii pedem spondiaca voce contineri non passa est ars poetarum. Possunt sane *de gnato* verba enclisi in molossicum vocabulum coaluisse cogitari: attamen manet versus ab accentu inelegantissimus. Apparet igitur hoc loco aliquid turbatum esse. Quod autem iam olim conieceram *audisti* mutandum esse in *audivisti*: id ipsum postea vidi prorsus confirmari a Bembino: in quo libro cum a prima manu *audivisti* exaratum extet, postea deleta est *vi* syllaba. Ascita autem *audivisti* forma relicua reconcinuanda sunt transpositione. Cuius cum duae pateant viae: et haec

Num quidnam de gnato audivisti meo Chreme?

et haec

Num quidnam de meo gnato audivisti Chreme?

ego praeferendam duxeram priorem: nuperrime autem data occasione monitus sum a Ritschelio de summa rei mecum consentiente, praestare posteriorem. Atque est reapse multo simplicior collocatio verborum.

Heaut. V, 3, 16 sqq. ubi Chremes senex colloquens cum Sostrata uxore in eo est ut comprobet non verendum esse ne quis Clitiphonem ex Sostrata non esse natum suspicetur haec leguntur:

So. Quod filia est inventa. Chr. Non sed quo magis credendum siet

Id quod est consimilis moribus

Convincens facile ex te natum: nam tui similis est probe

Nam illi nihil viti est relictum qui sit et idem tibi.

Sic scripta sunt verba in Bembino nisi quod *quod* v. 16 correctum est ex *cum*. In Basilicano autem pro *quo* v. 16 extat *quod*, pro *viti* v. 19 *viti*, pro *qui sit et idem tibi* eodem versu *quin itidem sit tibi*. Multa autem in istis versibus offensioni nobis esse non possumus infitiri. Atque habeo cur primum dicam de versu 19 qui metro non satisfacit. Faernus cum Bembino scripsit:

quin⁸⁾ sit et idem tibi.

Nimirum sibi persuasit haec „sustentari posse producendo dictionem *et*“: quam opinionem perversissimam non est cur refellam. Bentleius autem id recepit quod e deteriorum librorum vestigiis iam antiquissimi editores effecerunt:

quin id itidem sit tibi.

Quam rationem non possum non improbare. Primum enim abundare videtur *id* pronomen: deinde quod gravissimum est qui ita scribunt fundamento utuntur ea collocatione verborum quae est in deterioribus libris. Mihi autem proficiscendum videtur a Bembini scriptura, cuius nisus vestigiis scribendum esse censeo:

Nam illi nil viti est relictum, quin siet itidem tibi

Reliqua quod attinet, nonnihil hoc loco esse insititium diu est intellectum: quid autem expungendum sit, de eo fue-

8) Quamquam enim in B. ut nunc vidimus, *qui* est, tamen *quin* non sollicitandum esse apparet.

runt aliae aliorum sententiae. Guyetus versus 18 — 20 „spurios et excludendos“ iudicavit: qua in re haud dubie nimius fuit. Etenim versum 19 subditicium habere temeritatis est: quo deleto Chremetis verba omni destituuntur acumine. Nec versu 20

Tūm praeterea tālem nisi tu nulla pareret filium nihil novi continetur. Ex eo enim quod Clitipho omnia vitia cum Sostrata communia habet, non profecto consequitur, ita eum esse perditum ut omnino ex alia muliere natus esse cogitari nequeat. Quid autem de versu 18 deletio iudicandum sit postea apparebit. Atque in versibus 16. 17. 18 maximae offensioni sunt iuxta se posita *id quod est consimilis moribus* et *nam tui similis est probe*, item *quo magis credundum siet* et *convinces facile ex te natum*. Illa quod attinet meo iudicio non est difficile diiudicatu quae sint genuina, quae subditicia. Nimirum *tui similis est probe* verba a poeta profecta sunt, *id quod est consimilis moribus* ex interpretatione orta: priora enim sunt elegantissima, posteriora in quibus vel obiecto aegre caremus, mirum quantum explicationem sapiunt: atque reapse moribus, quod ex sequentibus intellegitur, continetur similitudo ista. Non magis autem ferenda sunt *convinces facile ex te natum* verba, quae non dubito quin sententiae explicandae et amplificandae causa ascita sint ex eis quae leguntur v. 15. Quin etiam haud cunctanter poetae abiudicaverim illa *quo magis credundum siet*: quae quomodo expedire possis prorsus non intellego. Notissimum autem est haud raro accidisse ut ubi aliquid explicationis causa poetae verbis adscriptum esset, tanquam in dies cresceret interpolatio. Nescio autem an prorsus et concinna et plana et plena sint quae a poeta profecta esse conicio:

Quod filia est inventa. Non, set quod tui similis est
probe :

Nam illi nil viti est relictum quin siet itidem tibi e. q. s.

Adelph. I, 1, 3 sqq. leguntur Micionis secum loquentis
verba haec :

Profecto hoc vere dicunt si absis uspiam

Aut ubi 9) si cesses, evenire ea satius est

Quae in te uxor dicit et quae in animo cogitat

Irata quam illa quae parentes propitii.

Uxor si cesses aut te amare cogitat e. q. s.

In quibus primum ineleganter repetitum est *si cesses* v. 4
et v. 7: deinde, quod gravius est, maximae dubitationi
obnoxia sunt haec: *si absis uspiam aut ubi si cesses*:
quae enuntiata ut largiamur potius quam concedamus non
prorsus eandem habere significationem, tamen nullo modo
possunt *aut* particula disiungi. Praeterea non intellegi-
mus quid sibi velint haec: *quae in te uxor dicit et*
quae in animo cogitat: quae, si omnino de dicente
uxore cogitasset poeta, inverso ordine se excipere oport-
tebat. Quae offensiones omnes sublatae sunt ea emenda-
tione quam proposuit Ritschellius nov. Mus. Rhen. tom. VI.
p. 446:

Profecto hoc vere dicunt: si absis uspiam

Quae in te uxor dicit evenire ea satius est

Irata quam illa quae parentes propitii.

Ipsum autem Ritschellium memini postea confessum esse
non ita certam sibi videri hanc emendationem ut de alia

9) Pro *ubi* optimi libri exhibent *ibi*.

omnino cogitari nequeat. Et est sane fatendum, non nulli dubitationi illud esse obnoxium quod *uxor* et *irata* voces segregantur inserto illo enuntiato: *ea evenire satius est*. Non autem aegre feret Ritschelius me meam qualemcunque hoc de loco opinionem protulisse. Etenim quo diutius quid statuendum sit cogitavi, eo magis intellexisse mihi visus sum, non haerendum esse in repetita *cogitandi* notione v. 5 et 7: immo, ut dicam quod sentio, apte illa mihi videtur ter poni v. 5. 7 et 10. Nescio igitur an hoc se commendet redintegrandi illos versus conamen:

Profecto hoc vere dicunt: si absis úspiam

Ea évenire sátius quae uxor cógitat

Iráta quam illa quae parentes própitii.

Uxór, si cesses, aut te amare cógitat e. q. s.

Facillime autem intellegitur (quod sane nostrae rationi commune est cum Ritscheliana) quomodo ex his ea quae nunc in libris sunt oriri potuerint. Etenim cum in continuitatem verborum receptum esset *aut ubi* (vel *ibi*) *si cesses* glossema et cum eis quae secuntur *ea evenire satius* in versus speciem redactum, integri servati sunt sequentes senarii, ea autem quae relicta erant *quae uxor cogitat* a ludibundo librario ita amplificata sunt ut verum explerent. Nec illud casui est tribuendum quod in libris transpositae extant *evenire* et *ea* voces: quod quis intellegit in illa de qua diximus depravationis via factum esse necessario. Praeterea non neglegendum videtur nostra ratione evitari hunc exitum senarii *ea satius est*, non vitiosum illum quidem, sed tamen inelegantem. cf. Ritsch. prolegg. p. 119 et p. 288.

Adelph. II, 3, 11 in Bembino sunt haec:

Nihil potest supra . quidnam foris crepuit? Mane,
mane, ipse exit foras,

in Basilicano autem haec:

Nihil supra potest . sed quisnam fores crepuit?
Mane, mane, ipse exit foras.

De his verbis corruptis aliae fuerunt aliorum sententiae, quarum equidem nullam possum comprobare. Missis autem relicuis dicam de sola Bentlei ratione. Is enim scripsit ita:

Nil supra pote . nam quid foris crepuit? Mane
mane ipse exit foras

quae reicienda sunt vel propterea quod *supra* vocis priorrem syllabam produci posse nemo hodie credit: nec puto hacc omnino eiusmodi emendatione sanari posse. Ut autem breviter dicam quod unice verum iudico: subditiicia sunt integra *nihil potest supra* verba. Vix enim ea ullo modo expedias: et mirum quantum languent et originem alia in aliis libris vocabulorum collocatione produunt. Consentaneum igitur est nonnulla casu excidisse vel, quod verisimilius videtur, expulsa esse de industria. Quae qualia fuerint licebit satis certo definire. Proficiscendum autem est a Bembino: nam in illo *quisnam* Basilicani alteram manum correctricem haud dubie agnoverim: quanquam *set* particula, quocunque modo de relicuis iudicabitur, meo quidem iudicio carere non possumus. Praeterea expectamus ex more Terentii ut quodam modo significetur *cuius* fores crepuerint. Quod etsi saepe solo *hinc* vocabulo fit, tamen nescio an hoc loco talia fere a poeta profecta esse probabile sit:

Set quidnam foris *ab illo* crepuit? Máne mane ipse
exit foras.

De *foris* enim singulari numero usurpato non est dubi-
tandum.

Adelph. III, 3, 41 in Bembino extat ita:

Ille somnium . Sineres vero illum tuum,
in Basilicano autem aliisque habes haec :

Ille futilis, somnium . Sineres vero illum tu tuum.
Quo loco haud dubie recte deletum est futile illud *futilis*.
De reliquis in diversas partes abierunt editorum sententiae
Bentleius enim cum Basilicano scripsit

Sineres vero illum tu tuum.

Quae ferri nequeunt quoniam ne tertius senarii pes ana-
paestico vocabulo contineatur vetat ars poetarum. Bothius
autem, etsi hoc vitium vitavit, tantum tamen abest ut me-
trum sanaverit ut corruerit. Scripsit enim ita:

nil nisi sapientia

Es, somnium ille . Sineres vero illunc tuum.

In quo nullo modo potest probari *es* in initio versus po-
situm divulgumque a *sapientia* vocabulo. Quae enim id
genus Bothius attulit, sunt ea vitiosa ¹⁰⁾ omnia cum simi-

10) Terentiana exempla iam Bentleius removerat: Hec. prol. pr.
v. 2. Phorm. V, 1, 37 (IV, 6, 37 Bo.). Plautinum autem
exemplum hoc Aulul. II, 1, 55:

ego conveniam Euclionem si domi

Est . set eccum . nescio unde sese homo recipit domum,
ubi *est* vel a libris Palatinis tribuitur praecedenti versui,
emendaverim ita:

libus. Attamen rectam emendandi viam significasse Borthium persuasum habeo. Nimirum nitendum est Bembino in quo libro non extat *tu* vox: qua quoniam haud aegre caremus, in prima versus parte aliquid excidisse verisimile videtur. Quod equidem *num* fuisse putaverim scribi-que hunc versum ita suaserim:

Ille sônnium? *num* sineres vero illûm tuum.

Adelph. III, 4, 19. 20 leguntur haec:

Quid istûc est? Nostrum amicum noras Simulum atque Aequalem? Quidni? Filiam eius virginem.

Sic scripta sunt verba in libris, nisi quod in Bembino *atque* vox a prima manu non est exarata, sed postea demum in initio versus 20 addita. At sententia sive servato sive deleta *atque* defendi nequit: et enim magnae offensioni est collocatio *aequalem* vocabuli, quod cum *amicum* coniungi oportebat nec post illa *noras Simulum* addi. Omnino autem *aequalem* huic loco non videtur aptum esse. Nam quod praeclare nuper Ritschelium in interpretando Plauto (Trin. v. 48) animadvertisse memini, non solere senes *aequalitatis* recordari, id etsi illius loci paullo alia est ratio tamen nescio an ex parte in ea quoque cadat quae nunc tractamus. Itaque in eam inclino sententiam ut *aequalem* vocem ex glossemate ortam aliud quid loco movisse existimem. Scribendum autem mihi videtur ita:

D. Quid istûc est? H. nostrum amicum noras Simulum?

D. Quid ego nî nossem? H. filiam eius virginem e. q. s.

ego conveniam Eûclionem sî domist.

Sêt ecum *video*. nescio unde sêse homo recipit domum.

quo certe nihil simplicius inventum iri puto. Cf. Heaut. III, 2, 18 cum adnotatione Bentlei, Plaut. mil. glor. 1120. 1311.

Postremo loco agam de alius generis glossemate: quod etsi ego non primus deprehendi tamen operae pretium esse duxi denuo pertractari propterea quod genuinum esse sibi persuasit Bentleius. Etenim Adelph. III, 4 53 sq. Demea interrogatus ab Hegione quid Aeschino perfido fieri velit, haec respondet:

fratrem conveniam, Hégio

Is quód mihi de hac re déderit consilium id sequar.

Horum versuum posterior extat etiam in Phormione II, 4, 21: quod cum vel per se suspicionem moveat, alteri utri loco eum esse ab interprete quodam adscriptum, multa sane accedunt quae istam suspicionem augeant. Exordiar ab externis. Etenim ut omittam nihil adnotatum esse in Donati commentariis, additus est is versus ¹¹⁾ in Bemini margine a recentiore demum manu. A sententia autem tantum abest ut ferri posse hunc versum mihi persuadeam ut mirer eum non unicuique suspectum visum esse. Nihil enim alienius cogitari potest quam Demeam omnino unquam sequi voluisse consilia fratris Micionis, cui per totam fabulam (cf. praeceteris initium fabulae et ea quae nostrum locum excipiunt) maxime adversatur. Quin etiam de nulla alia re minus cogitari potest Demea sequi vo-

11) Vel extant potius lacera fragmenta haecce:

IS
QUODMIHIDEACRE
ID S
RITCONSILIUMEXE

luisse consilium Micionis quam de vita filii, quem illius clementia corrumpi plus semel conqueritur. In Phormione contra aptissima sunt haec verba: nec difficile est intellectu quomodo factum sit ut interpret quis, satis quidem inepte ut opinor, hoc loco ea adscripserit. Ibi enim haec praecedunt Demiphonis verba:

frater ést expectandús mihi.

Vix autem necesse est addatur, nihil prorsus nostro loco a sententia desiderari si omisso isto versu, per se quidem elegantissimo sed pessime hic inserto haec senum colloquentium verba se excipere statueris:

H. Quid mihi respondes? D. Frátre^m conveniam Hégio.

H. Set Démea hoc tu fácito cum animo cógites e. q. s.

Digitized by Google



Lt 6.510
Exercitationes Terentianae.
Widener Library 002416842



3 2044 085 238 491